

دائرة مخصوصه

درسمادنده باب عالی جادرسنده

محل اداره :

مستطابق

اخطار :

مسلكمزه موافق آثار مع المنويه

قبول اولنور

درج ابدله بن آثار احاده اولغاز

دين فلسفه ، ادبيات ، حقوق و علوم دن باحث هفته لى رساله در

مؤسلى : ابوالعلا زين العابدين - ح . اشرف اديب

تاريخ تأسيسى :
۱۰ تموز ۳۲۴

سنه لى	آلى آياغى	درسمادنده
۶۰	۳۰	درسمادنده
۸۰	۴۰	ولاياتده
۸۰	۴۷	ممالك اجنبيه

درسمادنده نسخه بنى ۵۰ پاردر
قىرله دن مقوا بورو ايله كوندريليزسه سنوى
۲۰ غروش فضله آلنير
درسمادنده پوسته ايله كوندريليزسه ولايات بدلى
اخذ اولنور.

مسئله لاهوتیه هر نه قدر الك وحشی برزنجیدن الك مدنی بر شهرلی به وارنجه به قدر بوتون بشریتك قلوبنده استقرار ایدن امانی صردسندده ایسه ده او امنیه لك متوجه اولدینی غایتلر ادراکات و احتیاساتك تفاوتی نسبتنده متفاوت، آراده کی مسانه ایسه تصورلرک تخالی قدر متخالفدر. بناء علیه بو حیثیتله او کامشاهت عرض ایده بیله جک باشته بر غایه نك وجودینی تصویره امکان یوقدر. چونکه مسئله حد ذاتند، نامتناهی حقایقك لی در، زبده سیدر.

أوت، مسئله لاهوتیه بربری ایچنه رسم اولنمش بر چوق دائرلرک مرکز مشترکی مثابه سنده درکه او دائرلر مرکزله اوزاقلق، یاقینلق جهتیله آرهلرنده نامتناهی بر فرق کوسترلر.

السانك احتیاسات دروینسی، ادراکات قلبیسی ایچون هدف توجه محدود اوله یدی حقائق واضح، ایله اقناعی الك قولای مقاصد صره سنده بولونوردی. لکن انسانك حالی بونك بوسوتون خلافتدر. حق بر آدم ایچون دیکرینی بر قاعده فلسفیه نك، بر نظریه نك صحتنه ایساندیر مق انفادی الك مشکل آرزولر عدادنده در. فقط بوضعوبت اوله به ضیئرینك ذهانی کبی حقائقك ده افراد وائمك تخالی نسبتنده متخالف اولمسندن نشئت ایدیور، ظن اولنسون. زیرا ایش قطعاً بو مرکزده دکلدر. تخالف ایدن شی حقائقك اشخاص مختلفه اوزرنده کی تأثیریه مختلف قبلرده طوئینی موقعیدر. چونکه محبتك، نفرتك، کدرک، سرورک، درجه عالمك، سعه فکرك، طرز تصورک، حق تربیه وعاداتك، آچانك، صوسزلنك، الحاصل فقر و ثروت کبی بر چوق حالاتك حقائقك تلخیصی، قلبده استقراری خصوصنده بویوک بردخلی، جدی بر تأثیری واردر.

حق انسان قلوب بشرده کی اختلافات ایله قسماً صایدیغمز کبی مؤثرات کبی نامتناهی صور ابراز ایدن حالاتك کندی اوزرنده کی آثارینه وقوف هوسنه دوشه درک بو اوغورده بر چوق چالیشسه استحصال متصدك محال اولدینی اکلایمندن باشقه بر نتیجه الله ایده مز.

بك اوقدر اوزاغه کیمیه حاجت یوق، نفسکزی اییجه تأمل ایدرسه کز کورسکزه بواموری برربر پیشگاه امعانه چکمک ایچون کندیگزده غایت کنیش بر میدان وار. . یوق، کندیگز تبتعدن اظهار عجز ایده جک اولورسه کز طبیعی باشقه بر تدقیقه اصلا قدرت کوستره مرسکز.

بزم بو کتابی یازمندن متصدیمز وطن معززیمز اولان شرقده انتشاره باشلایان جرثومه الحاد میدان اوقویه رق اونکه جدی بر محاربه ایتمکدن عبارت اولدیغندن؛ حال بوکه اختلاف طبیعه وقوفز بزه خصما مزرک، ولو بر فرقه سنده اولسون، جان آله حق یری بوله مامق اندیشه سنی الفنا ایتدیکندن قلمه هر وادیده جولان ایتمک، مختلف وجدانله کوره متنوع محاکمه لور وروتمک اوزره براز حریت ویره پی

سنه (آیدوس) ده اون بش سنه (قلبه) ده تدریس وارشاد ایله مشغول اوله رق درسعاده هجرت و آت بازاری قربنده اختیار اقامتندن ناشی بین المشایخ والاملاء (آت بازاری) امیر افندی لقبیه کسب شهرت ایله دی. بوراده دخی تسلیک سالکین و تدریس طالبین ایله برابر تألیف آثار ایله امرار اوقات ایله یوب سوق تقدیرله قبریس جزیره سنده کی (ماغوسه) به کوندریله درک برسنه سرورنده (روح پاکچون عزیزک اوقویالم فاتحه) مصرعذک دلالت ایتدیکی (۱۱۰۴) ده ارتحال دار بقا ایتدی. خلفاسنك الك مشهوری کثرت آثار ایله متعارف اولان صاحب تفسیر (روح البیان) شیخ اسماعیل حق در احوال و مناقبک تفصیلی حتی مرحومك مطبوع (سلسله نامه جلوتی) (کتاب الخطاب) (رساله خلیله) لایله غیر مطبوع (تمام الفیض) اسملرنده کی آثارنده مندرجدر. تألیفات عارفانه و فاضلانله رینک باشیجه لری شونلردر:

۱ — حاشیه علی تفسیر الفاتحه للشیخ صدرالدین قونوی المسمی (برآت ارار العرفان علی اعجاز البیان)

۲ — حاشیه علی شرح فصوص الحکم

۳ — حاشیه مختصر علی المختصر فی المعانی

۴ — حاشیه علی شرح التلخیص المطول فی المعانی والبیان

۵ — حاشیه علی التلویح للتفتازانی

۶ — شرح رساله امام جلدکی

۷ — شرح قصیده شیخ اکبر المسمی تجلیات برقیه [شیخ اکبرک «لنامن امره روح وجسم، لنافی مجمع الاسماء اسم لنا فی جوهر الاشیاء طاسم، فهذا من جنون العشق قسم» قصیده سنک شرحیدر]

۸ — هداية المتحریرین [حکمت و کیمای عتیقندن باحث اولوب بر نسخهی از میرده خاتونیه کتبخانه سنده منظوم اولدی]

شهود ایلردی انواری اولی الابصار اولانلرهب

ولی اغیاری منع ایلز ایدوب غیرت جلال هو

بیت عارفانه سی کندیلرینه منسوب اولوق اوزره بعض مجموعه لرده مقیددر.

بروسه لی محمد طاهر بن رفعت

بروسه مبعوثی

صریف فکر

دردنچی دور

بشرک فطرت اولایه رجعتی

اسلام دین فطریدر

بز یوقاریکی صحیفه لریمزده بشرک تدین نقطه نظرندن تاریخی تدقیق ایتدک؛ بحتمزی ده انسانك اولکی حال دیانتیه بوحالک بیکلرجه سنه لك حیات ارضیه اثناسنده کچیردیکی انقلاباتی. ارباب مطالعه نك بادی نظرده احاطه ایده بیله جکی صورتده، اطرافیه ایضاح ایلدک. شمدی بویله بر نظر اساساً هرکسك ذاتنده مرکوز اوله رق هرکسك صمیم قلبندن طوئیمنده اولدینی تدافع وجدانی ایله برلشنجه مسئله نك حقیقی کون کبی عیان اولور.

مواقف کوردك . تاكه وقوعی ملحوظ اولان مافتمزی باری بوضورتله جبره موفق اولهلم :

انسان نادر ، بیلورمیسک ؟ انسان ترکیبی غایت عجیب ، تکوینی صوكت درجده غریب بر مخلوقدرکه هم کرویلرله بزم آرا بر ملک مرتبهسنه یوکسلمهیه ، حتی اونلرک هپسینی کریاه برافیه ، همده شیطانلره ، ابلیسلره قلاغوزلق ایده جک درکته اینیه مستعددر . شیمدی انسانک حالی بویله اولنجه ، اونی منهاج فضیله ارشاد ایده جک ، کریوه رذائله صائمیدن آلیتویه جق مرشد امین کیم اوله بیلور ؟ زیرا بواویله مشکل بر ایشدرکه انسان ایچون نفسیه مجاهده ایدرک اونی حدود اعتدالی محافظه اجبار ایله ممکن اوله بیله جک .

اگر بری چیقارد : اوت ، حکمت اخلاقینک بو خصوصده عتیده الهیه محله قئم اواسی ، نظایات وقوانین موضوعه کده شراکیرینی طوته بیلیمی محتملدر . دیرجک اولورسه جواباً دیرزکه : پک اعلا ، بزه برقوم کوسترک که قوانین مرعیه انراذینی شهوات نفسانیلری بشند ، طولاشمیدن آلیتویمش ، احکام نظامیه سک شدتی ارتکاب جرائم و جنایاته مانع تشکیل ایله مش اواسون .

عتیده الهیه کندیلرنجه محترم اولدینی دورلرده رومایلر اقبالک ، نظمینک شاهه سنه قدر یوکسامشلردر . لکن صوکرملری ایچلرنده ظهور ایدن بعض فجیره فلسفه ، ملک بیاان عائدینی زیروزر ای رک اجزای مرکبه سنی شکوک و همیه قاصیرغیرله صاوورنجه [رومادواتی زماننده بر دولت علم اولمله برابر] آرمدن پک چوق کچمدن او قوجه حکومت محکوم انهدام اولدی ؛ عمرادن اثر قلادی ؛ ایچنده او یله بر طاقم اقوام تور دیکه بهائم ایله فرقلری آتله یینرک داوولی ، زورنایی اوکلرینه قائمدن باشته بر شی دکل ایدی !

معاصرین بولان امتلرک احوالی حکیمانانه تأمل ایده جک اولورسه کز موقع اقبالی اک مستحکم اولانلر ، قبه کاه فوز و فلاحه اک زیاده متوجه بولانلر — بو عتیده نظریه دن بر بقیه محافظه ایدنلردر . او یله ایسه سوزی آلهرق دیرزکه : سعادت بشریه نک مداری انجق فضیلتدر ؛ فضیلتک نفسده ثبوتی ایسه وجود خالفه ایمان اولمدجه قابل دکلدر .

حکیم شهر ژان ژاق روسسونک شو سوزی ناقدر کوزلدر : « اولج ، انسان ایچون وجود بارییه اعتقاد ایتکمزینده صاحب فضیلت اولمق ممکندر ، ظن ایدردم . شیمدی بونک قابل اولمدیغنی بیلدیکم ایچون اسکی ظنمک و همدن عبارت قالدیغنی اکلامد . »

مادامکه فضائل اخلاق سعادت بشرک یکانه مداریدر ، بونی بیلدکن صوکرده الله عشقه سویلیکیزکه وجدانده حسنه ثواب ایله ، رذائل و سیئه عقاب ایله مجازات ایده جک بر خالاک وجودینه ایمان اولمازسه او فضائل هانکی مرکز ارتکاز ایده جک ؛ فطره ته یه میال اولان شو سرکش انسانی ارتکاب مظالمیدن آلیتویه جق ،

جرائم و جنایاته طولو دیرکین صالدرمندن منع ایده . بک نه اوله بیلر ؟ شهوات بهیمیه سی سائفه سیله چرکابه رذائله طالمدن اونی کیم آلیتویه بیلر ؟

صمیم فؤادندن بو روح الهی ، بو عتیده لاهوتی سلب اولان بر آدمک کال سهولته ارتکاب اینیه جکی هانکی عار ، هانکی جنایت متصوردر ؟

ای غافل بشر ! بیوده یره کنیدی آلدانم ، بنی نوعکده کوردیکک لطبورقته قایلیمه ! زیر اقلبدنه سمندطمعی ضبط ایده جک ، آتش حرص و کینی سوندره جک نورایمان اولمدجه اونلرک الکحلیمی ، الک ساییمی بیله قایلاندن خونریز ، کابدن عتور ، آرسالاندن مفترس ، تلکیدن خدعه کار ، خنزیردن شنیع اوله بیلر !

انسان عالم علوی ایله جهان سفلی بیننده مشترک بر مخلوقدر ، مادسی اعتباریله نظر اولورسه مایمرندن پک آفریق کورولور . لکن معنایی جهتدن باقیلرسه اوندن دها علوی بر مخلوق تصورایدیلمز . حیثیت غایه بیل عزمنده نقصاندن منزهرککل ، ذلندن متعالی بر رفعت بولندیغنی ادراک ایدرک اوکال فوق الحیاله شوریده دلان عشاقک اشتیاقنی آکدیرر بر شوق ایله ، اورفعت عالماله ایسه فیضانوردان حصارک بیت الحرامه اولان تحسینه معادل روحانی بردوق ایله آتیلان بر مخلوقک نظیری تصورایدیلمز . باخصوص بوزوق و شوقده علم ، جاهل ، حکیم ، غافل هرکس بر اولدینی ایچسون دینه بیلرکه بوتون چهره لرده او مطلب کزینک ، اوغایه الا مالک نشانه وجود و تحسرندن باشنه بر اثر کوریلرمنز .

دنیاده ناقدر انراذبشر وارسه ، حتی ایستر او یله برغایه آمالک وجودندن خبردار اولسون ، ایستر اولماسون ؛ ایستراواقصای امانینک خیال ظفریله او یالاانسون . ایدتر او یالاانسون ، کافه سی هپ اوکال ، علوی بی تمیده ، دها طوغروسسی کندیسنه رغماً تحریده در .

دکلدر ، دیرسکیز بکا برقاب کوسترک ، بروجدان بولک که کندیلجه آرزوایدیکی برغایته وارنجه آراتق مستریخ اولسون ، اضطرابی سکونه تبدل ایتسون ؛ برزکین کوسترک که ثروتنه قانع اولمش ، بر بویوک آدم آرایک که بویوک لکلیله اکتفا ایتمش اولسون ؛ معلوماتی کافی کورن بر عالم ، اختراعاتک کفایته قائل اولان بر موجد وارمیدر ؛ او حالده الله شنه سویلیک که بشرده آمال و مطالبه قارشى بویتمز توکنمز - حرص نه اولور ؟

ای انسان ! سنک او حریص وجدانک . قناعت کلمه سی ایچون تین ایتمش برمدلول یوقی ؟ او حیران قییکد . رضادینلن شیئک شمه سی اولسون بولونمورمی ؟ باقیه رم بر مصلدی استحصال ایدر ایتزار ته کنه صالدریورسک ! براز آراهه نوبت کلدجه هان دیدیغیه بافیورسک ! بوتون حیاتک طمعله کچور ، بوتون ساعاتکی مساعی اشغال ایدیور . نه درسک بوحالک ؛ طمعلریکه غایت ، امللریکه نهایت یوقی ؟

هیئت! سنی اولیه کور و یورم که خاکدانه کی مطالبک بیتسه آسانده
جستجوی آرزواید جکک: اوکناش اولساك دهالیرینی، ماورای
موجوداتی ایسته جکک ادیمک که برغایتدن، تنایدی اولایان برغایتدن
باشی خشنود اید جکک هیچ برشی موجود دکل ایمش .
او حالده بوخا کدان سنله سنک حرص طمعکی نسکین اید جکک،
دیده املکی طویوره جق شی نه اوله بیلیر؟ بوقدر اوزون آمل،
بوقدر شدید امتراضاته قارشى آلترلرک، جرهرلرک، کوکلرک
سرایلرک والحاصل بوتون اسباب ذوق واحتشاشک نه اهمیتی
اوله بیلیر؟

هدف آمالی بوقدر اوزافده بولسان وجدانکک معالییه میلی
بویله تحمیلکنار بر شتده اولورده بوتون دنیا و مافیاسنی تمامیه
خشنود ایمک شویله طورسون، ارزولرینک بر قسمتی بیه
انفاذه ناکفی کلیرسه یاسنک بوخا کدانه کلشک ظفریاب اوله میه جفک
برمرامه طالب اوله رق عذاب ایچنده قللک، یتیمه میه جکک برمتصدک
آرقه سنده خائب وخاسر طولاشمک ایچونمیدر؟ اگر بونک ایچونسه
زواللی بشریت سوکمز برغرام اوغورنده فرامی اولسون، بوتون
عمرینی سوز و کداز ایله می کچیرسون؟

وجدان انسانینک بوتون بواشوائ قلبیه نک آلتنده کی متصدی،
معنای انسانیتک، روحک بوقدر اشتیاق ایله آرادینی آرام جان
عجبا نه اولسه کرکدر؟ بز شیمدی بونی فلاسفه مادیونهمی صوردهلم،
یوقسه حکمای روحیونهمی؟ خایر خایر، نه اوته کلیرینه، نده،
بریکلیرینه، بز بومسئله بی طوغریده خلتک کنیده
صورارز، چونکک اونک لسانی الک بلیغ، برهانی ایسه الک
مئینیدر.

السانلر اصلی شیمبازرا یاخود مایمون فصله سنندن اورالغوتان،
غوریل اولدیفنه قائل اولان داروینستلرله، بشرک بوتون قرابت
حیوانیه دن منزله اوله رق صانعی طرفندن باشلی باشنه یارادلدیغنی
سویاین خلقت مسئله طرفدارانی برطرفه برافلم، چونکک علی العجله
یازمقده اولدیفمز بوکتابدن مقصد انواع ذوی الحیاتک اصلی حتمده کی
اختلافات فلسفیه بی اجمال دکدر، زیرا بویله برنیئده بولسه ق برسورو
اصلسز، اساسسز جدلیات آرمهنده روح بحی غائب اید جکمزدن
باشقه بربرینه ضدبونجه مذاهب فلسفیه، بونجه فرضیات متنوعه ایمچانک
طبیعی هبسنی بردن نمون اید میهرک ایچلرندن انجق بر فرقه سنک
قکرینه مماشیات ایمش اولورز، بو ایسه چیزمش اولدیفمز خط
حرکتک قطعاً داخلنده دکدر، بز متصدیمز عتاند اسلامیه بی
(ولله الحجة البالغة) سند جلیانک ناطق اولدیفنی وجهله هر جده غلبه
چالان، محکمیت احکامی قبول شکدن پک یوکسک اولان کلام الهییه
موافق کله جک وبرفکر سرکشی یوله یاتیره جق بر طرزده مدافعه دن
عبارتدر.

دیمشک که داروینستلرله معارضلرینی بر طرفه برافلمده انسانک
مرتبه انسانیه، استحقاق ایتدکن سوکرکی احوالی نظر امعانه آلهلم.
ایستر بشر خلقت مسئله طرفدانک دیدیکی کبی صحنه موجوداته
طوغریدن طوغری، انسان اوله رق چیتمش اولسون؛ ایسترسه
نظریه تکامل ایمچانک ادعای وجهله حضیض حیوانیتدن تدریجاً
منصه انسانیه یوکشمش اولسون؛ بز کندیسنه عطف اید جکمز
لحاظه امعان شونی کوستررکه: اوکندی موجودیتی اوزرنده اجرای
نفوذ ایدن بر طاقم قوانین طبییه بولندیفنی و اوقوانینک عالم حیوانات
اوزرنده حاکم اولان قوانین جنسیندن اولدیفنی حس ایمش؛ بناءً
علیه حیات ونمیشنه اساس اولاق حیثیتله استحصالی الزم بر طاقم حقائقک
وجودینی آکلامش؛ اشیانک حسن وقبح، خیر وشر اعتباریه ماهیاتنی،
آثارینی تمیزایله مش؛ دماصوکره ذاتنی، نوعنی، هلاکدن محافظه ایچون
برقانون اخلاقییه انقیاد ضرورتنی کورمشد.

شیمدی بری قلاوب دیه بیایرکه: بوقدر عالی برحس انسانک
شبهستان عالم غیبین چتهرق معرکه دنیایه آتیلدیفنی زان مالک اوله
بیله جکی ادراکک پک فوقده برادرکه متوقفدر، انجق یکرمنجی عصرک
نهایتده یتشمش الک بویوک فیلسوفک متحس اوله بیله جکی بوقدر
علوی، حسک حال طفولیتده کی بشرده موجودیتی فصل تصوراته
بیلیر؟

محمد فرید وجدی

محمد عاکف

هول اعظم

محرری:

محرری:

سیروزی حافظ اشرف ادیب

مناسرتلی اسماعیل حق

۶۱ درس حصه مایس سنه ۳۲۵

روح انسان بوقدر صاف، مجلا، طاهر ایکن بو بولاشیق
جوهر ایچنه فصل کلدی، بو کدرلی وجود ایله فصل برلشدی؟
روح جوهر کرانه در، ملأ اعلا دن در فایه دوشن بوروح بویله
عناصردن مرکب کثافت آلودجیم نایک ایله برلشمهنده کی حکمت،
فائده ندر؟

بونک اوزرینه حضرت عمر د اولیه سوزلر ایشتدی که حیرته
قلدی، همان او آنده مظهر هدایت اولدی:

— سزک دینکر حق در، دیدی، علوم ومعارف سزه ویرکی،
بز عظمزله بولدیفمز شیلر هیچ در، اصل سزلر درس آله جق
بر دارالعرفان ایمش سکز، خلیفدر بویله اولورسه یا علوم ومعارفک مشکت
منیری اولان سلطان انبیانک کمالاتی فصل اولور؟